



GIG
CYMRU
NHS
WALES

Bwrdd Iechyd Prifysgol
Caerdydd a'r Fro
Cardiff and Vale
University Health Board



Chloe Knott, Prentis Gweinyddu Busnes, Dysgu a Datblygu Addysg

Fe wnes i gwblhau Prentisiaeth Sylfaenol Lefel 2 mewn Gweinyddu Busnes. Fe wnes i gwblhau'r holl fodiwlau ar 11 Rhagfyr 2019 yn dilyn cyfnod ar leoliad yn Adran Dysgu a Datblygu Addysg BIP Caerdydd a'r Fro. Dyma oedd fy swydd gyntaf ar ôl gadael ysgol yn 17 mlwydd oed.

Ni allwn fod wedi dychmygu, yn 19 mlwydd oed, y byddwn i'n gweithio i'r BIP, yn ennill cyflog ac yn talu pensiwn, a hyn oll oherwydd y cyfle a gefais i gael cymhwyster a gydnabyddir yn genedlaethol drwy brentisiaeth.

Ar ôl cwblhau'r Brentisiaeth yn llwyddiannus yn ystod gaeaf 2019, roeddwn i'n gallu gwneud cais am swydd amser llawn Graddfa 2 o fewn LED. Cefais fy mhenodi'n swyddogol a dechreuais fy nghyflogaeth yn fuan wedyn. Rydw i'n teimlo bod y profiad a gefais wedi rhoi hwb i fy hyder a fy sgiliau cyfathrebu, yn ogystal â chadarnhau'r wybodaeth a'r sgiliau rydw i wedi'u meithrin o weithio yn y swyddfa benodol hon. O ganlyniad i'r ddealltwriaeth a ddatblygais, roeddwn i'n gallu cynnig cefnogaeth a oedd ei dirfawr angen yn ystod Tymor y Ffliw i'r Adran Iechyd Galwedigaethol. Mae'r profiad o weithio ar draws adrannau, hyd yn oed am gyfnod byr, wedi rhoi hwb sylweddol i fy lefelau hyder. Roeddwn i'n dawel, yn swil ac yn dawedog ar ôl cael fy mhenodi o ganlyniad i fy amgylchiadau newydd a'r teimlad fy mod i eisiau bod yn llwyddiannus yn fy rôl. Fodd bynnag, gyda chefnogaeth fy nghydweithwyr LED a fy aseswr T2, rydw i'n teimlo'n hynod gyfforddus ac yn llai pryderus nag erioed. Mae fy ngwybodaeth ymarferol am yr adran, a'r BIP yn ei gyfanrwydd, yn parhau i gynyddu ac rydw i wedi bod yn y swydd amser llawn hon ers bron i 12 mis bellach.



Roedd y Brentisiaeth fod i bara 12 mis, ond fe wnes i ei chwblhau yn gynnar. Roedd y profiad mor amrywiol a diddorol ac roeddwn i eisiau bwrw ati a dod yn aelod o staff amser llawn pe bai'r swydd yn codi. O'r herwydd, roeddwn i wedi ymrwymo'n llwyr i gwblhau a llwyddo gyda fy Mhrentisiaeth a chyflawni'r gofynion o ran y cymwysterau. Roeddwn i'n teimlo bod llawer o'r hyn a ddysgais yn gallu cael ei drosglwyddo i'r byd gwaith. Dau fis a hanner ar ôl dechrau gweithio fel aelod o staff amser llawn, fe darodd pandemig Covid-19.

Oherwydd y gefnogaeth a oedd ei hangen ar LED yn ystod y cyfnod rhyfedd hwn, rydw i wedi parhau i fynd i'r swyddfa bob dydd a chefnogi mewn unrhyw ffordd bosibl. Roedd aros yn y swyddfa i gefnogi'r saff yn angenrheidiol. Gan fod rhai cydweithwyr wedi'u trosglwyddo dros dro i Ysbyty Calon y Ddraig, roedd hi'n golygu bod cwota llai o staff gan LED.

O ganlyniad i fy mhrentisiaeth, rydw i'n deall gwerthoedd a disgwyliadau BIP mewn mwy o fanylder ac yn teimlo eu bod wedi cyfrannu at fy mhroffesiynoldeb.

